



Broj: 08-01-3-1068/17
Konjic, 25.09.2017. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije BiH broj 12/03, 34/03 i 65/13), člana 28. Pravila Ustanove "Sportska dvorana" Konjic i člana 38. Statuta Općine Konjic (Službeni glasnik Općine Konjic broj 4/11 i 6/11) raspisuje

JAVNI OGLAS ZA IZBOR I IMENOVANJE ČLANOVA UPRAVNOG ODBORA USTANOVE "SPORTSKA DVORANA" KONJIC

I

Objavljuje se javni oglas za izbor i imenovanje članova Upravnog odbora Ustanove "Sportska dvorana" Konjic - 3 /tri/ člana i to:

- Dva člana Upravnog odbora (predstavnik osnivača)
- Jedan član Upravnog odbora (predstavnik Ustanove).

II

Mandat

Mandat članova Upravnog odbora traje 4 /četiri/ godine.

III

Opis pozicije

Upravni odbor je nadležan da:

- Donosi Pravila ustanove
- Utvrđuje planove rada i razvoja
- Utvrđuje godišnji program rada
- Donosi finansijski plan i usvaja godišnji obračun
- Donosi opće akte o organizaciji i sistematizaciji poslova i druge opće akte u skladu sa Pravilima
- Odlučuje o svim pitanjima obavljanja djelatnosti Ustanove, ako zakonom nije određeno da o određenim pitanjima odlučuje drugi organ Uprave
- Usmjcrava, kontrolise i ocjenjuje rad direktora
- Rješava sva pitanja odnosa sa osnivačem
- Odlučuje o korištenju sredstava preko iznosa 15.000 (petestiljada KM)
- Odgovara osnivaču za rezultate rada Ustanove
- Odlučuje o prigovoru radnika u drugom stepenu, o pravima, obavezama i odgovornostima radnika iz radnog odnosa
- Podnosi osnivaču, najmanje jednom godišnje, izvještaj o poslovanju Ustanove
- Vrš i druge poslove, u skladu sa Pravilima Ustanove.

IV

Način izbora

Izbor i predlaganje kandidata za članove Upravnog odbora izvršit će Komisija, a odluku o konačnom imenovanju predsjednika i članova Upravnog odbora donijeti će osnivač Ustanove.

V

Uvjeti izbora

OPĆI UVJETI

- da je državljanin Bosne i Hercegovine,
- da je stariji od 18. godina,
- da nije otpušten sa posla kao rezultat disciplinske mjere, na bilo kojem nivou u BiH, u periodu od tri godine prije dana objavljivanja upražnjene pozicije,
- da se na njega ne odnosi član IX 1. Ustava BiH (da nisu pod optužnicom Međunarodnog suda za ratne zločine),
- da nije osuđivan za krivično djelo i/ili za privredni prijestup za radnje nespojive sa dužnošću u Upravnom odboru, pet godina od dana pravosnažnosti presude isključujući vrijeme zatvorske kazne,
- da se protiv njega ne vodi krivični postupak,
- da nema privatni finansijski interes u Ustanovi u koju se kandidira u smislu člana 2. tačke 1. i 2. Zakona o ministarskim, vladinim i drugim imenovanjima FBiH,
- da nije na dužnosti u političkoj stranci u smislu člana 5. Zakona o ministarskim, vladinim i drugim imenovanjima FBiH,
- da nije član tijela zakonodavne, izvršne vlasti ili savjetnik u smislu Zakona o sukobu interesa u organima vlasti FBiH (Službene novine FBiH broj 70/08),
- da mu presudom suda nije zabranjeno obavljanje aktivnosti u nadležnosti Upravnog odbora,
- da nije starije od 65 godina na dan imenovanja,
- da se ne bavi, samostalno ili u zajednici sa drugim osobama, djelatnošću konkurentnom djelatnošću Ustanove,
- da ne postoje druge zakonske smetnje za obavljanje poslova u Upravnom odboru u koji se kandiduje.

POSEBNI UVJETI

- VII ili VI stepen stručne spreme, odnosno diploma visokog obrazovanja prvog ciklusa (koji se vrednuje sa 240 ili 180 ECTS bodova) ili drugog ili trećeg ciklusa Bolonjskog sistema studija,
- da imaju najmanje tri godine radnog iskustva u poslovima svog stručnog naziva,
- spособnost prepoznavanja, zastupanja i zaštite interesa ustanove i uvažavanje interesa drugih zainteresiranih sudionika,
- spособnost za savjesno, odlučno, odgovorno i profesionalno obavljanje upražnjene pozicije,
- izražena individualnost, inicijativnost, nezavisnost u radu u donošenju odluka,
- da posjeduje znanje i sposobnosti razumijevanja poslovnih izvještaja,
- da posjeduje sposobnost korporativnih upravljanja i strategije poslovne etike,
- da posjeduje znanje o djelatnosti kojima se Ustanova bavi,
- spособnost upravljanja finansijskim i ljudskim resursima i naklonjenost timskom radu,
- da posjeduje organizacijske i komunikativne sposobnosti.

VI

Prilikom procjene kvalifikacija i iskustva svih kandidata uzet će se u obzir i kriteriji navedeni u tačkama od c) do j) u posebnim uvjetima i izraziti u bodovima od 1 - 5.

VII

Potrebni dokumenti i dodatne informacije

Prijave kandidata treba da sadrže: biografiju, adresu i kontakt telefon.

Uz prijavu kandidati treba da dostave:

- Uvjerenje o državljanstvu ili CIPS-ova prijava mjesta boravka,
- Diploma o završenoj stručnoj spremi - ovjerena kopija,
- Dokaz o radnom iskustvu u poslovima svog stručnog naziva,
- Uvjerenje od poslodavca da nije otpušten iz službe kao rezultat disciplinske mjere u periodu od 3 /tri/ godine prije objavljivanja oglasa,
- Uvjerenje PU i Općinskog suda, ne starije od 6. mjeseci,
- Ovjerene izjave o činjenicama iz tačaka c, d, g, h, i, j, l i m. Općih uvjeta izbora,

Prijave sa traženim dokumentima se dostavljaju lično ili poštom preporučeno sa naznakom: "PRIJAVA NA JAVNI OGLAS ZA IZBOR I IMENOVANJE KANDIDATA ZA ČLANOVE UPRAVNOG ODBORA USTANOVE "SPORTSKA DVORANA". Konjic - NE OTVARAJ" na sljedeću adresu: Općina Konjic - Komisija za izbor i imenovanje članova UO 88400 Konjic, Maršala Tita broj 62.

Prijave koje ne sadrže propisano iz ovog oglasa odbacit će se kao nepotpune, odnosno neblagovremene, te se kao takve neće uzeti u razmatranje.

Sa kandidatima koji uđu u uži izbor Komisija će obaviti intervju.

VIII

OSTALO

glas ostaje otvoren 15 /petnaest/ dana od dana posljednjeg objavljivanja, a isti će biti objavljen u Dnevnom listu "Oslobođenje" Sarajevo i u Službenim novinama Federacije BiH.

NAČELNIK
Emir Bubalo, dipl.ecc.